

EFESUS

Efesus mbal tuku waŋe Paulusŋe kuyarna

Yesus nu luka samba mbol kina le yar 32 kinaig le Paulus nu Romŋe muli wandek sinamŋe minmba Efesus mbal tuku waŋe te kuyarna sulumba nane tejenmba saningina: Yesus nu Moses tuku tukul ḥakmba kile-sika nuŋe ḥgarosumbi Zu mbal kasomok mbal ulendimba taŋgo kitek ndindo temayokna.

¹ Tane Kuate tuku mbal Efesusŋe minmba Kristus Yesus dubi mayede ta tane ḥakmba kaiye. Ye Paulus Kuatenge madiyina le Yesus tuku aposel minet yenŋe tane ndonj pasatam prowet.

² Siŋgine Mam Kuate, Sungo Yesus Kristus nale ake sinaŋ tane make patika ḥgamuŋgal wamdus bul sertiŋguwaik. Son.

Kuate nu sine mbolŋge wam magenu kina

³ Siŋgine Sungo Yesus Kristus tuku Mam Kuate sine nu tuku nyu te-dungube. Sine Kristus ndonj ulendikeg le Kuate nu samba mbolok wam magenu ḥakmba Tukul Guwa mbolŋge siŋgit le gare sungo ḥak mineg.

⁴ Kuate nu kilke te te-mayok ndana sulumba nu Kristus mbolŋge sine kilam tuku madisiŋgina. Sine nu tuku mbal purfeŋnu mbar kugatok nu am mbolŋge tiŋgam tuku nu taŋana. ⁵ Nu sine tuku kume purmba Kristus mbolŋge nuŋe kiŋo kame mayok kambim tuku idusna. Nu nuŋe raŋgun

mayenu maŋau ta dubimba wamduſ ta tina. ⁶ Sine nu tuku nyu ſuŋgo ta te-dun̄gube ḥga nu nuŋe wam mayenu ta te-mayokmba nuŋe Kiŋo nuŋe tuku kume purna ta nu mbolŋe sine ake ſinaj make patikina.

⁷ Nu ſine make patikate maŋau ta fudiŋdo kuga. Wam ta ſuŋgo ḥayo. Nuŋe Kiŋo nuŋe tuku kume mbolŋe nu ſine tuku mbar ſaukina ſulumba ſine tuku muſkil kile-tidiŋgina. ⁸ Nu lato lato ſine make patika wamduſ kila magenu ſiŋgit le ⁹ nuŋe wamduſ buk kuirok minna ta kila pile mayeweg. Kuate nu o buk nuŋe raŋgun mayenu maŋau ta dubimba wamduſ tina ta tejenmba. ¹⁰ Ngumneŋga ait kumuŋguwa le nu ſamba kilke agaŋ ndende ḥakmba kilmba Kristus kumnenŋge patikuwa le naŋgine ma mbolŋe minwaig le Kristus nu gabat ſuŋgo minamŋgat.

¹¹ Kuate nu wamduſ tumba taŋamba wam mayok kuwaig ḥga ſakate ta kumumba mayok kinig. Nu o buk wamduſ ande tumba Kristus mbolŋe ſine kilam tuku madiſiŋgina ta kile ſine kilit. ¹² Kristus nu ſine muſkil kile-tidiŋguwa ḥga amboŋga ſine Zu ſon ḥgiŋen mbal ſine ſiŋgine mine ḥakmba mbolŋe Kuate tuku nyu ſuŋgo ta te-dun̄gube ḥga nu ſine madiſiŋgina. ¹³ Kristus nu taŋgine muſkil kile-tidiŋge tiŋgina ta tane paſa mayenu tugusek ta ismba tane Kristus tuku ſon ḥgiŋaig. Taŋanaig le nu tane kaſomok mbal mata yiŋe mbal ḥga Tukul Guwa tiŋmba ſanġatiŋgina. Nu o buk nuŋe mbal Tukul Guwa niŋgam tuku ſakina. ¹⁴ Sine Tukul Guwa ḥak mineg tukunu ſine Kuate tuku wam magenu kilamŋgig. Nu ḥak minbe le

ma ma Kuate nu sine tuku muskil kile-tidiŋge singamŋat. Nu taŋawa le sine nu tuku nyu sungo ta te-duŋgamŋig.

Paulus nu Efesus mbal tuku Kuate yabajna

15 Ye wam kame sakit ta ɣakmba idusniŋmba tane Sungo Yesus tuku kume tuku saŋgri tomba tinga Kuate tuku mbal ɣakmba tuku kume purde ta ye ismba ye mara mara Kuate gare pasa tuwet. **16** Ye nu yabaŋet ta ye tane gilai ndanget. **17** Singine Sungo Yesus Kristus tuku Mbara nu agan ndende ɣakmba tuku gabat sungo. Nu tane nuŋe Guwa tinguwa le nu wamduš kila mayenu tumtiŋguwa le tane Kuate kila pile mayewap ɳga ye yabaŋet. **18** Nuŋe tane wamduš kilŋatiŋguwa le Kuate nu tane wikina le nu tairŋga minig ta tugunu kila pile mayewap. **19** Nu tane nuŋe mbal minam tuku kilit ta wam sugo pasa ɣak tane tuku minig ta kila palpe sulumba sine Kristus tuku son ɣeg mbaŋ sanjri sungo mara mara sine tam tuku minit ta tane katese mayewap ɳga ye yabaŋet.

20 Saŋgri ndui tambi Kuateŋge Kristus kumna le te-timba tumba samba mbolŋge nuŋe ndinam kumamŋge pilna le minit. **21** Nu sugo sugo ɣakmba linŋmba o mbolŋge minmba nyu sugo sugo kilke te mbolŋge kilke kitek mbolŋge ta ɣakmba linŋmba nu mbolŋge minmba minamŋat. **22** Kuate nu agan ndende ɣakmba nu kumnemŋge patikina sulumba nuŋe kuasmbi tuku gabat sungo minwa ɳga nu pilna. **23** Kuate tuku kuasmbi ta Kristus tuku ɳgarosu. Nuŋe ɳgarosu mbolŋge nuŋe nyu sungoka mayok ka nu kumumbi minit le agan ndende ɣakmba nu mbolŋge kumumbi mine likade.

2

Sine Kristus mbolŋge abo kitek tigen

¹ Tane buk wam ɳaigonu ke lika Kuate maskenŋge minmba kumaknu minnaig. ² Tane kilke te tuku manjau ɳaigonu dubika guwa ɳaigonu tuku gabat sungo kumnemŋge minnaig. Nu kile Kuate tuku pasa pitaide mbal sinamŋge piroka minit. ³ Sine ɳakmba buk nane taŋaŋ minmba siŋgine wam dus ta ndo dubika nzali ɳaigonu ke lika mingen. Sine taŋgo ɳakmba ndoŋ Kuate tuku pa tam tuku mingen.

⁴ Kuate tuku mape manjau sungokanu. Nu sine tuku sungomba kume purmba ⁵ sine une manjau mbolŋge kumaknu mingen le Kristus nu kumna le te-tina ta sine nu ndoŋ kile-tidiŋgina. Nu ake sinaŋ sine make patika muskil kile-tidiŋgina. ⁶ Nu Kristus te-dunja sine nu ndoŋ ulendiķeg wam ta mbolŋge nu sine turmba kile-dunja ka samba mbolŋge nu ndon patikina le mineg. ⁷ Ait prowe likamŋgaig ta ɳakmba mbolŋge Kuate nu sine ake sinaŋ make patikate wam sungo ta kilimok mayok kuwa ɳga nuŋe raŋgun mayenu Kristus Yesus mbolŋge siŋgina.

⁸ Kuate nu tane ake sinaŋ make patika tane muskil kile-tidiŋgate ta taŋgine piro mbolŋge kuga. Kuatenŋge piya kugatok tiŋgit. ⁹ Taŋgo ɳgarosu payamkubekaig ɳga naŋgine piro mbolŋge nu ninje ndakate. ¹⁰ Sine Kuate tuku wai kuyar mineg. Nu Kristus Yesus mbolŋge sine wam magenu ke likam tuku nu sine abo kitek siŋgina. Nu o buk sine taŋamba minbe ɳga idusna.

Sine Kristus mbolŋge kuasmbi ndindo mineg

¹¹ Tane Zu ndare mbolŋe mayok nda kinaig ta tane gilai ndaŋgap. Sine Zu taŋgo Kuate tuku mbaŋga ḥgaro pikeg tuku mbaŋga ḥ geg. Sine buk tane kasomŋe minmba ḥgaro pike ndakade tuku mbaŋga ḥigeŋ. ¹² Ait ta mbolŋe tane Kristus gilai minmba sine Israel Kuaterŋe madisiŋgina mbaŋga kasomŋe minnaig le Kuate nu wam afu kam tuku Israel saniŋgina ta tane nda isnaig. Tane Kuate gilai minmba muskil te-tiwam tuku wam katese ndanaig. Tane taŋgine piti ambokok ta gilai ndaŋgap.

¹³ Tane buk Kuate maskenŋe minnaig ta kile tane Kristus ndoŋ ulendika nu tuku ndare mbolŋe Kuate tugumŋe minig. ¹⁴ Nu sile tuma ulendisikam tuku taŋgo. Sile Zu mbaŋga kasomok mbaŋga ḥgueu minkeŋ wam ta nu te-simba sile ulendisikina. ¹⁵ Nu Moses tuku tukul ḥakmba kile-sika nuŋe ḥgarosumbi Zu mbaŋga kasomok mbaŋga kilmba taŋgo kitek ndindo te-mayokna le sile wamduš mukuk minek.

¹⁶ Nu ail kazrai mbolŋe kumna sulumba ḥgueu maŋau kume sermba sile mbaŋga ar te ndindo te-mayokmba Kuate ndoŋ tumana. ¹⁷ Nu pro sine Kuate tugumŋe mingen mbaŋga tane kasomŋe minnaig mbaŋga nu sile ḥgamukŋe pasa mayenu kuklimba Kuate nu wamduš mukuk sile ndoŋ minam tuku ndin tumsikina. ¹⁸ Sile kuasmbi ar te nu mbolŋe Tukul Guwa ndindo ḥak minmba kile sile Mam Kuate tugum kambim kumuŋ.

¹⁹ Ta tuku kile tane kasomok mbaŋga rawe taŋgo mine ndakade. Kuga. Tane sine ndoŋ Kuate tuku mbaŋga mineg. Sine ḥakmba nu tuku wande tuma mbaŋga mineg. ²⁰ Aposel kame tuan taŋgo kame nane wande ta tugu pilnaig le tane nane

mbolŋe tuturde. Kristus Yesus nu wande ta tuku ndame sungo. ²¹ Nu mbolŋe wande alonu ŋakmba ulendikade sulumba saŋgri tiŋga Kuate nuŋe minam tuku wande sungo mayok kinit. ²² Tane Kristus ndoŋ ulendikade ta tane mata Kuate tuku wande. Nu wande ta sinamŋe nuŋe Guwa pilit ta nu minit.

3

Kuateŋge Paulus kasomok mbal tuku piro tanjo madina

¹ Ye Paulus tane kasomok mbal mata Kuate tuku wande minig ŋga saket tukunu ye muli wandeŋge minet. ² Kuate nu tanjo ake sinaj make patikate wam ta tane kasomok mbal kila palpe ŋga piro te ye wai mbolŋe pilna ta tane buk isnaig. ³ Kuate nu nuŋe wam dus kuirok minna ta te-mayokmba tumyina. Ye buk ta tuku fudiŋmba tane tuku kuyarit. ⁴ Tane pasa ta burka ye wam tugusek Kristus tuku katese mayewet ta kila palm-bimŋaig. ⁵ Wam kuirok ta buk tanjo nane ise ndakinaig. Kile Tukul Guwanje te-mayokmba Kuate tuku aposel le tuan tanjo kame tumsiŋgit. ⁶ Wam kuirok ta tejenmba. Tane kasomok mbal mata Kristus tuku pasa mayenu ismba son ŋgade sulumba tane Israel mbal ndoŋ Kuate tuku kiŋo kame mayok ka kuasmbi ndindo minig. Kuate nu Kristus Yesus mbolŋe wam mayenu nane mbolŋe kamŋigit ŋgina ta tane nane ndoŋ tam tuku minig.

⁷ Kuate nu nuŋe saŋgri te-mayokmba ye ake sinaj make pilmba Kristus tuku pasa mayenu kukliwam tuku ye madiyina. ⁸ Ye Paulus Kuate

tuku mbal ɳgamukŋe ye nyu kugatok ta Kuate nu ye make pilna. Sine Kristus mbolŋe wam sugo kileg ta ye kasomok mbal ɳgamukŋe kukliwam tuku nu taŋamba ye make pilna. ⁹ Ye taŋawet tukunu Kuate tuku wamduš buk kuirok minna ta alonu mayok kinit le tane kila pilig. Kuate nu agaŋ ndende ɳakmba kile-mayokkina ta nu o buk wam ta kam tuku idusmba nuŋe miroŋ kila minna ta ¹⁰ kile mayok kinit le samba mbolŋe guwa sugo sugo nane Kuate tuku wamduš kila ta tuku alonu Kristus tuku kuasmbi mbolŋe kaŋgerka ta wam sugo ɳgade. ¹¹ Kuate nu tugu mbolŋe wam ta kam idusmba minna sulumba kile siŋgine Sunjo Kristus Yesus mbolŋe te-mayokte. ¹² Sine nu tuku kume tuku saŋgri tomba tiŋga nu mbolŋe sine kuru kuru kugatok ɳgamunŋal mukuk Kuate tugum kinieg.

¹³ Ye tanenu ɳga piti kaŋgeret te tane ta tuku wamduš saŋgri kusre ndawap.

Kristus tuku kume pur maŋau sunjo

¹⁴ Ta tuku ye dagol tidronŋa Mam Kuate tuku nyu te-dunŋet. ¹⁵ Kuate nu sine ɳakmba tuku Mam Sunjo minit. Samba mbolŋe kilke mbolŋe ina mam ɳgeg ta Kuate nu tugu. ¹⁶ Nu purfeŋnu saŋgri sunjo ɳak ta nu nuŋe Guwa tiŋguwa le nu tane tuku ɳgamunŋal saŋgri piletŋguwa ɳga ye nu yabanjet. ¹⁷ Tane Kristus nu kumuŋ ɳga son ɳgap le nu tane tuku ɳgamunŋal sinamŋe minwa le tane kume pur maŋau mbolŋe saŋgri tiŋgamŋgaig. ¹⁸⁻¹⁹ Tane taŋamba minap sulumba tane Kuate tuku mbal ɳakmba ndoŋ Kristus tuku kume pur wam ta katese mayewamŋgaig. Nu tuku kume

pur maŋau ta suŋgokanu o mbolŋge. Ande nu tuku kume pur maŋau suŋgo ta kila pile suluwam kumuŋ kuga. Tane lato lato kila palpe ta tane Kuate tuku maŋau ɻakmba te-puramŋgaig. Ye tanenu ɻga taŋamba Kuate yabaŋet.

²⁰ Sine wam sugo afu kilam tuku wamdus suŋgo ɻak minmba Kuate yabaneg ta nu tuku saŋgri sine mbolŋge pirokate tukunu nu wam ta liniŋmba nu wam sugo pasa ɻak singam kumunj. ²¹ Sine Kuate tuku kuasmbi Kristus Yesus ndonj Kuate tuku nyu suŋgo ta te-duŋga minmba minbe. Son.

4

Sine Kristus mbolŋge kuasmbi ndindo mineg

¹ Ye Suŋgo tuku piro taŋgo ye muli wandek sinamŋge minet te ye tane sarsartiŋget. Kuate nu tane wikina wam ta te-mayokmba mine mayenu mbolŋge minap. ² Tane taŋgine nyu te-ibeŋmba ɻgan maŋau ɻak minap sulumba ande tuku pitik gubra te ndakap. Tane kume pur maŋau dubimba afu nane maŋau kise dubide ta tala ndaniŋgap. ³ Tukul Guwa mbolŋge tane wamdus ulendi minig. Tane maŋau ta pur ndakuwa ɻga wamdus mukuk maŋau minam tuku wamdus saŋgrinu palpe. ⁴ Sine Tukul Guwa ndindo ɻak minmba ɻgarosu ndindo ndo mineg. Kuate nu sine wam ndindo tairŋga minam tuku wikina. ⁵ Sine tuku Suŋgo ndindo. Ngamuŋgal son ndindo. Sine kule pisne ndindo teg. ⁶ Sine tuku Mbara ndindo. Nu sine ɻakmba tuku Mam ndindo minit. Nu sine ɻakmba kulatka sine ɻakmba mbolŋge pirokate. Nu sine ɻakmba tuku ngamuŋgal sinamŋge minit.

⁷ Kristus nu nuŋe wamduſ dubimba ſine nduik nduik ɣakmba mbolŋe ſaŋgri yimyam ſiŋgina.

⁸ Kuyar paſa ande ta tuku tejenmba sakate.

Nu muliŋ kilanu mbal kilmba ſamba mbol ambe kina. Ambenje nuŋe wam kame magenu tanjo kame niŋgina ɣga sakate. *Mune 68.18*

⁹ Kuyar paſa ta nu mbol ambe kina ɣga sakate ta tugunu tejenmba. Nu amboŋga kilke te o ſinam nzi kina ſulumba nu maŋ luka ſamba mbol kina.

¹⁰ Ande nu ndekina ta nu ſamba mbol ambe kumba maŋ tuturmba o mbol ambe kina le kile agaŋ ndende ɣakmba nu kumnenŋe minig.

¹¹ Nu ſine afu aposel pirokam tuku ſaŋgri ſiŋgina ſulumba afu Tukul Guwa tugumŋe paſa ismba kile-mayokkam tuku piro ſiŋgina. Afu lika paſa mayenu kukliwam tuku, afu Kuate tuku mbal kulatkam tuku, afu nuŋe paſa kukliwam tuku taŋamba taŋamba ſaŋgri yimyam ſiŋgina. ¹² Sine Kuate tuku mbal pirokube le Kristus tuku ɣgarosu ſuŋgoka ſaŋgri tiŋguwa ɣga nu taŋana.

¹³ Sine taŋamba minbe ma ma ɣgamunŋal ſon ſaŋgrinu kumu kumu mayok ka Kuate tuku Kiŋo kila pile maybe ſulumba ka ka ſugoka ſine Kristus minit taŋaŋ mayok kaŋgig.

¹⁴ Taŋamba mayok kab ta ſine kiŋo kame taŋaŋ mine ndaka tum paſa kise kise taŋo naŋgine yabri wamduſ kilambi tugusek paſa taŋaŋ kile-mayokkuwaig ta ismba bubre tiŋga yu tongel tiŋgate taŋaŋ wamduſ kine inume nda. ¹⁵ Sine taŋo ɣakmba idusniŋmba tugusek maŋau ndo dubibe ſulumba wam ɣakmba mbolŋe ſiŋgine Gabat Kristus ndoŋ ulendikube. ¹⁶ Sine Kristus tuku ɣgarosu mineg. Nu nuŋe ɣgarosu kulatka

sañgri tuwit le nuñe ñgarosu ñakmba ulendika mine mayede. Nane nañgine piro yimyam tugusemba kuwaig ta ñgarosu suñgoka kume pur mañau ñak minmba sañgri tiñgamñgat.

Sine Kristus mbolñge mine mañau kitek ñak

¹⁷ Ye pasa te Suñgo tuku nyu mbolñge satiñgamñgit ta tane ise mayewap. Kile tane Kuate dubi ndade mbal tanjañ li ndakap. Nane nañgine wamduñs wam alo kugatok mbolñge patikade le ¹⁸ ma make suñgo sinamñge minig. Nane ñgamunçgal kareñnu pilmba wamduñs kugatok tanjañ minmba Kuate nu mañau kitek tanjo niñgit ta nane gilai minig. ¹⁹ Nane mañau ñaigonu kumba kiko kugatok minig. Nane nañgine nzali ñgail ndaka une mañau kumba kutur mañau ñakmba kam tuku piriride.

²⁰ i ... Tane tanjamba Kristus tuku kila pile ndakinaig. ²¹ Afunge tane Yesus tuku pasa kuklimba tumtinginaig le ismba nu tuku tugusek wam kila pilnaig. ²² Tane kila pilnaig tanjamba tanjine wamduñs ambokok tambi mañau ñaigonu dubikinaig ta kusrekap. Tanjine wamduñs ambokok tanje tane ñaigo siglike dirna. ²³ Tane wamduñs kitek ñak minmba ²⁴ Kuate tuku mañau te-purap sulumba tugusek mañau ndo dubimba mine mayenu mbolñge minap.

²⁵ Tane tanjo kitek minmba yabri pasa sa ndakap. Sine ñakmba Kristus tuku ñgarosu inumnu mineg tukunu tira ndon siñka pasa ndo sakap. ²⁶ Tane gubra tap sulumba gubra ta dubimba une ke ndakap. Tane ki mbol gubra tumba gubra ta

ŋak kinye ndakap. ²⁷ Satan pirokam tuku ndin wakei ndawap.

²⁸ Ande nu agaŋ ndende kuayarte ta nu maŋau ta kusrewa. Nu afu agaŋ ndende denkanu minig ta turkam tuku piro kareŋkuwa. ²⁹ Tane pasa ŋaigonu sa ndakap. Pasa magenu ta ndo sakap le nane afu wamduš piti ŋak minig ta pasa ta ismba saŋgri pileniŋguwa.

³⁰ Kuate tuku Tukul Guwa piti ser ndawap. Kuate nu tane tuku muskil kile-tidiŋgam saka Tukul Guwa tiŋmba saŋgatiŋgina.

³¹ Wamduš ŋgueu ŋak, gubra maŋau, miŋge fetka kualeyau maŋau, waŋe pasa ta ŋakmba kus-rekap. ³² Tane taŋgine taŋgine muŋgu sina ŋak minap sulumba muŋgu turkap. Kuate nu Kristus mbolŋe tane tuku une sauка gilaiŋgina taŋamba ndo taŋgine taŋgine mbolŋe mbarde ta mata gi-laiŋgap.

5

Sine mafeŋ minbe

¹ Tane Kuate tuku kiŋo kame nu tane tuku sunjomba kume purte. Tane nu tuku maŋau ta te-purap. ² Kristus nu sine tuku kume purmba sinenu ŋga nuŋe ŋgarosu kumam tuku pilna le atrau agaŋ mundur mayenu taŋaŋ Kuate tugum ambe kina. Tane taŋamba ndo kume pur maŋau mbolŋe minap.

³ Tane Kuate tuku mbal minig tukunu fare fare taŋgo pino ndoŋ une maŋau, wamduš kutur maŋau, agaŋ ndende kilam tuku piriride maŋau ta ŋakmba tane ŋgamukŋe mayok nda kuwaig.

⁴ Tane bukla pasa fare pasa fulaiŋ pasa ɳaigonu sa ndakap. Taŋgine minje ta Kuate gare pasa tumba minap. ⁵ Tane pasa te kila pile mayewap. Fare fare taŋgo pino ndoŋ unekade mbal, wamduš kutur ɳak mbal, agaŋ ndende kilam tuku piriride mbal nane Kuate le Kristus kulatkade ma mbol kine nda. Ande nu agaŋ ndende kilam tuku piririte ta nu Kuate idus ndamba nuŋe wamduš ta agaŋ ndende ta mbolŋe ndo minit. ⁶ Tane riroŋkap. Afuŋe naŋgine yabri pasa tambi tane mbar kame ta ke likap ɳga tane didikubekaig. Kuate tuku pasa pitaimba mbar taŋaŋ kade mbal Kuate tuku gubra nane mbolŋe minit. ⁷ Ta tuku tane nane ndoŋ ulendi ndakap.

⁸ Tane buk ma make tuku mbal minnaig. Kile tane Suŋgo ndoŋ ulendika tane mafeŋ tuku mbal minig. Tane mafeŋ tuku mbal minig taŋamba bulu mbolŋe likap. ⁹ Bulu mbolŋe likade mbal nane wam magenu tinreknu tugusek kile-mayokkade. ¹⁰ Wam ɳakmba pileŋga Suŋgo nu nzalite wam ta ndo kap. ¹¹ Tane ma make tuku wam alo kugatok ta kasomŋe minmba taŋgine mine mayenu tambi nane tuku mbar kile-mayokkap. ¹² Nane kuirka maŋau ɳaigonu kade ta tane ismba taŋgine taŋgine kubemba ise ndakap. ¹³ Wam kame ta bulunŋe kiljaningit ta tugunu kilimok mayok kinig. Mayok kinig sulumba bulu mbolŋe minig. ¹⁴ Ta tuku ande nu tejenmba sakate.

Kinymba minit taŋgo ne aboŋga. Naŋe kumaknu maŋau kusrewa le Kristus nu ne kiljanuwa ɳga sakate.

¹⁵ Tane kurau mayemba li mayenu mbolŋe minap. Tane wamduš kugatok mine ndaka wamduš

kila mayenu ɳak minap. ¹⁶ Ait te ɳayo ait tukunu ait afu wam magenu ke likam tuku prode ta ake kusre ndakap. ¹⁷ Tane wamdu s kugatok taŋaj mine ndaka Suŋgo tuku nzali kila palpe. ¹⁸ Tane kule kamenu nyumba ɳginŋganka maim maim maŋau ke ndakap. Taŋgine ɳgamuŋgal palpe le Tukul Guwa sinam kuwa le ¹⁹ David tuku mune, mune afu magenu, Tukul Guwa tuku mune ta ɳakmba taŋgine taŋgine muŋgu mune-munekap. Muŋgu mune-muneka wamdu sinamŋe Suŋgo tuku nyu te-dunŋap. ²⁰ Tane mara mara siŋgine Suŋgo Yesus Kristus idusmba wam ɳakmba tuku Mam Kuate gare pasa tape.

Muŋgu kilnaig mbal tuku pasa

²¹ Kristus nu sine tuku Suŋgo ɳga tane taŋgine taŋgine pasa ismba kumnenŋe minap.

²² Pino kame, tane Suŋgo tuku miŋge kumnenŋe minig taŋamba ndo taŋgine taŋgo kumnenŋe minap. ²³ Kristus nu nuŋe kuasmbi tuku gabat minit. Taŋamba ndo taŋgo kat taŋgine tane tuku gabat minig. Kristus tuku kuasmbi ta nu tuku ɳgarosu. Nuŋe ɳgarosu ta nu muskil kile-tidiŋgina. ²⁴ Kristus tuku kuasmbi nane nu kumnenŋe minig taŋamba ndo pino kame tane wam ɳakmba mbolŋe taŋgine taŋgo kumnenŋe minap.

²⁵ Taŋgo kame, Kristus nu nuŋe kuasmbi tuku sunŋgomba kume purmba nuŋe ɳgarosu kumam tuku pilna taŋamba ndo tane taŋgine pino tuku sunŋgomba kume purkap. ²⁶ Kulembi ɳgaro minyanŋade taŋaj nu nuŋe pasambi nane Kuate tuku mbal purfeŋnu kile-mayokkina. ²⁷ Nuŋe kuasmbi ta mbar kugatok purfeŋnu maditaknu

nu ndoŋ minwaig ŋga nu kumna. ²⁸ Taŋamba ndo taŋgo kame taŋgine ŋgarosu tuku kume purde taŋamba taŋgine pino tuku kume purkap. Ne naŋe pino tuku kume purte ta ne naŋe ŋgarosu tuku turmba taŋate. ²⁹⁻³⁰ Taŋgo nu nuŋe ŋgarosu kasur ndate. Kuga. Nu nuŋe ŋgarosu kulat mayemba saŋgri pilete. Taŋamba ndo sine Kristus tuku ŋgarosu inum inumnu mineg tukunu nu sine nuŋe kuasmbi kulat mayete. ³¹ Kuyar pasa tejenmba sakate.

Taŋgo nu ina mam nuŋe kusreka piyo nuŋe ndoŋ muŋgu kile-deŋga minwaik. Nale ŋgarosu ndindo mayok kaŋgaik ŋga sakate. *Mulum Pasa 2.24*

³² Kuyar pasa te alonu sungo kuirok minit le kamuset ta tejenmba. Kristus nu nuŋe kuasmbi ndoŋ tuku sakate. ³³ Pasa ta tane muŋgu kilig wam ta tuku mata sakate. Ta tuku taŋgo kame, tane taŋgine ŋgarosu tuku kume purde taŋamba ndo taŋgine pino tuku kume purkap. Pino kame, tane taŋgine taŋgo tuku nyu idusnijmba nane kumnemŋge minap.

6

Ina mam le kiŋo kame tuku pasa

¹ Kiŋo kame, tane Kuate tuku nzali dubimba ina mam kumnemŋge minap. Maŋau ta tiŋreknu. ²⁻³ Tukul pasa ande tejenmba sakate.

Ina mam tuku nyu kurauka miŋge kumnemŋge minap. Tane taŋawap ta kilke te mbolŋge ait kuen mine mayenu mbolŋge minamŋgaig ŋga sakate. *Lo 5.16*

Tukul ta sunjokanu. Kuate nu te-mayokmba dubikade mbal wam mayenu tam tuku sakina.

⁴ Taŋgo kame, tane taŋgine kiŋo kame ndagariniŋgam tuku sigair sigair ndaniŋgap. Tane Kuate tuku nzali dubimba naŋgine mbar kile-tidiŋga wam magenu ndo tumniŋgap.

Piro taŋgo le piro kulat mbal tuku pasa

⁵ Piro taŋgo, tane taŋgine kulat mbal tuku nyu idusniŋmba kurauka nane kumnemŋge minap. Tane Kristus kumnemŋge minig tanjamba ndo taŋgine kulat mbal kumnemŋge minmba wamduš tugusekmbi pirokap. ⁶ Tane kulatkade mbal am mbolŋe nane nzaliniŋgam tuku ndo piro ndakap. Tane Kristus tuku piro mbal taŋaŋ minig tukunu wamduš gare ɻakmbi Kuate tuku nzali dubimba pirokap. ⁷ Sine Suŋgo tuku piro keg ɻga gare ɻak pirokap sulumba taŋgo tuku piro ndo keg ɻga idus ndawap. ⁸ Piro taŋgo ko piro kulat taŋgo nu wam mayenu kate ta Suŋgo nu kumumbi lafuwamŋat ta tane kila.

⁹ Piro kulat mbal, tane mata taŋgine piro mbal mbolŋe wam magenu ndo kap. Tane ɻerŋerka pasa pitinu sa ndaniŋgap. Tane taŋgine piro mbal ndonj taŋgine Suŋgo ndindo samba mbolŋe minit. Nu taŋgo ɻakmba mbolŋe maŋau kumumbi kate ta tane kila. Nu ande kusre ndate.

Sine Kuate tuku kame agaŋ ɻak minbe

¹⁰ Kile ye pasa ndindo satiŋgam tuku minit. Tane Suŋgo ndonj ulendika nu tuku saŋgri ta mbolŋe saŋgri tingap. ¹¹ Tane Satan tuku yabri wamduš kila sungo ta te-ibenjam tuku Suŋgo tuku kame agaŋ ɻakmba silike likap. ¹² Sine taŋgo ndonj kame

bumba mine ndakeg. Kuga. Sine bukla kame guwa ḥaigonu tuku sugo sugo ma make tuku gabat kame ta ḥakmba ndoŋ kame bumba mineg. ¹³ Ta tuku tane Kuate tuku kame agaŋ ḥakmba sili ḥak likap. Tane tanjawap ta kame ait mbolŋe tane saŋgri tinga minig le ka kame kugate ta baklel ndade.

¹⁴ Tane kame tuku kuaneka tugusek maŋau let taŋaŋ tingap. Maŋau tinreknu tawo songam tuku agaŋ taŋaŋ tumba silikap. ¹⁵ Tane Kristus tuku pasa mayenu mbolŋe ḥgamuŋgal mukuk tade ta kupe ḥgaro kareŋnu taŋaŋ patikap. ¹⁶ Tane kame agaŋ ḥakmba ta silika Satan tuku tui pa bulu ḥak saŋgri pitaiwam tuku Kuate nu kumuŋ ḥga nu tuku saŋgri tomba tingade wam ta kandim taŋaŋ tap. ¹⁷ Kuate nu tane tuku muskil kile-tidiŋe tingit wam ta hat kareŋnu taŋaŋ kaikap sulumba Tukul Guwa tuku kame bagi tap. Kame bagi ta Kuate tuku pasa.

¹⁸ Tane mara mara Tukul Guwa mbolŋe Kuate sungomba yabaŋmba minap. Tane kanyum ndamba Kuate sarsarmba nu tuku mbal ḥakmba tuku yabaŋap. ¹⁹ Tane ye tuku mata Kuate yabaŋap le nu ye tuku minje bul serwa. Taŋawa le ye kuru kuru kugatok Kristus tuku pasa mayenu tuku wam kame buk kuirok minnaig ta kile-mayokki. ²⁰ Ye pasa mayenu tuku kukul taŋgo minet tukunu ye muliŋtanu wande te mbolŋe minet. Tane Kuate yabaŋap le ye kuru kuru kugatok kumumbi pasa ta kukliwi.

²¹ Siŋgine tira Tikikus nu Sunjo tuku piro kulat mayete ta nu tane tugum promba ye sine ḥakmba

mineg maŋau te kubeu tiŋguwa le tane kila palm-bimŋgaig. ²² Nunje tane kila satiŋmba tane tuku wamđus bul sertiŋguwa ŋga idusmba nu kukulet.

²³ Mam Kuate siŋgine Sungo Yesus Kristus nale tane siŋgine tira ŋakmba turtiŋguwaik le tane ŋgamuŋgal mukuk kume pur maŋau ŋgamuŋgal son saŋgrinu turmba ŋak minap. ²⁴ Tane siŋgine Sungo Yesus Kristus tuku kume purmba minmba minig mbal Kuate nu tane make patikuwa.

Son.

**KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files dated 22 Nov 2019

9d2e8659-afb4-5cca-93d8-23ebf89e1709